

**ՅՈՒՍԱՐՄՏ ԵՍ, ԴԻՄԷ՝ ՏԻՐՈՋ
ՍԱՂՄՈՍ 28**

Տէ՛ր, օգնութիւն կ'ուզեմ քեզմէ: Դո՛ւն ես իմ պատասխանս: Ականջներդ մի՛ փակեր: Լուռ մնալդ պատճառ կ'ըլլայ որ ես ողջ-ողջ գերեզման իջնեմ:

Լսէ՛ խնդրանքս, երբ որ քեզմէ օգնութիւն կ'աղերսեմ, երբ ձեռքերս դէպի սուրբ տաճարդ կը բարձրացընեմ:

Ձիս մի՛ դասեր ամբարիչտներուն հետ: Անոնց, որոնք չարիք կը հասցնեն ուրիշին, որոնք իրենց խօսքերուն մէջ սիրալիր են մարդոց հետ, մինչ իրենց սիրտերուն մէջ չարութիւն կայ:

Պատուհասէ՛ զանոնք իրենց գործերուն համաձայն, տո՛ւր արժանի պատիժը իրենց չարսիրտ վարմունքին: Իրենց ըրածին համեմատ վարուէ՛ իրենց հետ, հատուցանելով իրենց այն, ինչ բանի որ արժանի են, որովհետեւ անոնք կ'արհամարհեն Տիրոջ գործը եւ ինչ որ ան ստեղծեց: Տէրը զանոնք պիտի կործանէ այնպիսի ձեւով, որ ալ երբեք չկանգնին:

Օրհնեա՛լ է Տէրը, որ աղօթքիս պատասխանեց:

Զօրութիւնս է ան եւ իմ պաշտպանս: Ես իրեն կը վստահիմ: Իրմէ՛ կու գայ օգնութիւնս եւ իմ սիրտս կը ցնծայ: Հետեւաբար իմ երգովս անոր գոհութիւն պիտի յայտնեմ:

Տէրը իր ժողովուրդին զօրութիւնն է եւ ապաւէնը ու փրկիչը՝ իր օծեալին:

Տէ՛ր Փրկէ՛ եւ օրհնէ՛ քու ժողովուրդդ, որ քու ժառանգութիւնդ է: Դուն հովուէ՛ զանոնք եւ ուսիդ առած՝ առաջնորդէ՛ մինչեւ յաւիտեան:

ՅԱՅՏԱՐԱՐՈՒԹԻՒՆ

**ՅԱՅՏԱՐԱՐՈՒԹԻՒՆ
ԵՐԵՐՇԱԲԹԻ ԳԻՇԵՐՈՒՄՆ
ՍՈՒՐԲ ՊԱՏԱՐԱԳ ԵՒ
ՀԱՅ ՔՐԻՍՏՈՆԵԱԿԱՆ ԿԵԱՆՔԻ
ՔՆՆԱՐԿՈՒՄ**

Կազմակերպութեամբ Կրօնական ժողովին եւ Ազգային առաջնորդարանի «ԱՅՈ» երիտասարդական յանձնախումբին, ամէն երեքշաբթի գիշեր, ժամը 7.00-8.00, Պուրճ Համուտի Ս. Վարդանանց եկեղեցոյ մէջ, սուրբ պատարագ պիտի մատուցուի:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդածութիւն պիտի կատարէ Լիբանանի Հայոց առաջնորդ՝ Գերաշնորհ Տ. Նարեկ արքեպիսկոպոս:

Նաեւ, ամէն երեքշաբթի գիշեր, ժամը 8.00-9.00, Ազգային առաջնորդարանի «Երջօ Սամուէլեան – Եռագոյն» սրահին մէջ, Արժ. Տ. Ղեւոնդ քին. Լոյսաճեան Աստուածաշունչի սերտողութիւն պիտի կատարէ մեր ժողովուրդի զաւակներուն համար:

Միբելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՑԷ.

ՃՐԱԳ ՇԱՐԱԲԹԻՍԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,
P.O.Box 80810 - Tel/Fax:01-258300 – [facebook-ի էջ jerak](#) Ծրագր թերթ



ՔՈՒ ԽՕՍԲԴ ԽՍ ՈՅԵՐՈՒՄ ԵՐԱԳ Է ՈՒ ԽՍ ԵԱԽԱՆԵՐՈՒՄ ԼՈՅՍ (Ս. 119.105)

ԺԲ. ՏԱՐԻ

ԿԻՐԱԿԻ, 20 ՀՈԿՏԵՄԲԵՐ 2019

ԹԻԻ 42

**ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՅՈՒՄՆԵՐ
ԵՍ. 20.2.21.6: ԳՊ. 4.3-18:
ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍԻ 4.14-24**

**ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ
ԸՍՏ ԴՈՒԿԱՍԻ
4.14-24**

Յիսուս Գալիլիա վերադարձաւ Սուրբ Հոգիին զօրութեամբ եւ ամբողջ գաւառին մէջ իր համբաւը տարածուեցաւ: Անոնց ժողովարաններուն մէջ կ'ուսուցանէր՝ արժանանալով բոլորին հիացումին եւ գովասանքին:

Եկաւ Նազարէթ՝ քաղաքը, ուր մեծցած էր եւ իր սովորութեան համաձայն Շարաֆ օրը ժողովարան գնաց: Երբ ոտքի ելաւ կարդալու օրուան ընթերցուածը, իրեն տուին Եսայի Մարգարէին գիրքը: Բացաւ եւ գտաւ այն տեղը ուր կ'ըսէր. *«Տիրոջ Հոգին վրաս է, որովհետեւ օծեց զիս եւ զրկեց՝ աղօթանքուն փրկութեան աւետիս տալու, սրտաբեկները մխիթարելու եւ աւետիլու, թէ գերիները պիտի ազատագրուին, կոյրներուն աչքերը պիտի բացուին, հարստահարուածները պիտի ազատուին, ման եւ յայտարարելու, թէ ահա հասած է ժամանակը երբ Տէրը պիտի փրկէ իր ժողովուրդը»:*

Ապա գիրքը գոցեց, տուաւ պաշտօնեային եւ նստաւ: Ժողովարանին մէջ գտնուողներուն բոլորին աչքերը իրեն սեւեռած էին, երբ ըսաւ. *«Այս մարգարէութիւնը, որ դուք լսեցիք՝ ահա այսօր իրականացաւ»:* Ամէնքն ալ տպաւորուած էին իրմէ եւ հիանալով անոր շնորհալի խօսքերուն վրայ կ'ըսէին. *«Այս մարդը Յովսէփի որդին չէ՞»:*

Յիսուս ըսաւ. *«Անտարակոյս ինձի պիտի ըսէք հետեւեալ առածը. «Բժիշկ, դուն ինձ քժշկէ»:* Եւ պիտի ըսէք. *«Ինչ որ լսեցիմք, թէ գործեր եւ կափառանաւմի մէջ, այստեղ՝ բոլոր քաղաքներէ մէջ ալ կատարէ»:* Եւ աւելցուց. *«Բայց դուք ալ գիտէք, որ մարգարէն իր ծննդավայրին մէջ յարգ չունի»:*

ՕԳՆՈՒԹԵԱՆ ԿԱՆՉ (Սաղմոս 13)

Տէր, մինչեւ ե՞րբ զիս պիտի անտեսես, մինչեւ ե՞րբ երես պիտի դարձնես ինձմէ: Մինչեւ ե՞րբ պիտի տագնապիմ եւ ամէն օր տրտմութեամբ մաշիմ: Մինչեւ ե՞րբ թշնամիս յաղթանակ պիտի տանի իմ վրաս: Տե՛ս եւ պատասխան տու՛ր, Տէ՛ր, իմ Աստուած, լուսաւորէ՛ աչքերս, որպէսզի մահուան բունով չջնանամ: Զըլլայ, որ թշնամիս ըսէ. *«Յաղթեցի՛ իրեն»*, կամ՝ *«Նեղիչներս ուրախանան անկումովս: Ես բոլոր ողորմութեանդ վստահեցայ: Սիրտս բոլոր փրկութեամբդ պիտի ցնծայ: Քե՛զ պիտի երգեն, ո՛վ Տէր, դուն՝ որ ինձի բարիք որիր:*

ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ՆԱՄԱԿՆԵՐ

ԵՍԱՅԻ ՄՍՐԳԱՐԷԻ ԳԻՐՔԷՆ
20.1 – 21.6

Ասորեստանի Սարգոն քաղաքի հրամանով Տարթան հրամանատարի Ագոտոս գալեն և պատերազմով գայն գրաւելէն երեք տարիներ առաջ, Տէրը հետեւեալ պատուէրը տուաւ Ամոսի որդի Եսայիին. «Գնա՛ հագուստդ վրայէդ հանէ՛ և հողաքափդ ալ՝ ոտներէդ»: Եսայի մարգարէ ըսուածը կատարեց և սկսաւ մերկ ու բոսիկ պտըտիլ: Տէրը այսպէս ըսաւ. «Ահա երեք տարի է, որ իմ ծառաս՝ Եսայի մերկ ու բոսիկ կը պտըտի: Անիկա նշան և օրինակ պիտի ըլլայ եգիպտացիներուն և եթովպացիներուն համար: Թող հասկնան, թէ ճիշդ այդպէս Ասորեստանի քաղաքը գերի պիտի տանի եգիպտացիներն ու եթովպացիները, ծեր թէ երիտասարդ, բոլորն ալ մերկ ու բոսիկ, իրենց ամօթոյքն ալ բաց, որպէսզի խայտառակուի Եգիպտոսը: Պարտութեան մատնուած եգիպտացիները ամօթ պիտի գգան եթովպացիներուն համար, որոնց վրայ դրած էին իրենց յոյսը, որովհետեւ եթովպացիներն էին Եգիպտոսի վրայ իշխողը: Այն օրը փղշտացիները պիտի ըսեն. "Մենք ասոնց օգնութեան ապաւինած էինք, մինչդեռ ասոնք նոյնիսկ իրենք գիրենք չկրցան ազատել Ասորեստանի քաղաքէն. մե՞նք ինչպէս պիտի ազատինք"»:

Բարեյոնի վերաբերող պատգամը. «Անապատէն անցնող մրրիկին պէս փոթորիկ մը կու գայ ահա անապատ երկրէն: Ահաւոր է տեսիլքը, եւ ինծի յայտնըւածը՝ սարսափելի»:

ՊՕՂՈՍ ԱՌԱՔԵԱԼԻ ՆԱՄԱԿ
ԳԱՐԱՏԱՑԻՆԵՐՈՒՆ

4.3-18

Որքան առեմ, որ հոգեւորապէս անչափահաս էինք՝ բնութեան ոյժերուն կ'ենթարկուէինք ու կը ծառայէինք: Բայց հիմա յարմար ժամանակը հասած համարելով, Աստուած աշխարհ զրկեց իր Որդին, որ մարդկային մօրմէ մը ծնաւ և Մովսիսական Օրէնքին տակ ապրեցաւ, որպէսզի մեր օրէնքին գերութենէն փրկէ և Աստուծոյ որդիներ դարձնէ: Արդ, որովհետեւ իր որդիներն ենք՝ Աստուած մեր սիրտերուն մէջ զրկեց իր Որդիին Հոգին, որով զԱստուած «Հայր» կը կոչենք: Ուստի այլեւ ծառայ չէք, այլ որդի և քանի որդի էք՝ Աստուծոյ խոստումը պիտի ժառանգէք:

Ճիշդ է, որ նախապէս երբ զԱստուած չէիք քանչնար, չաստուածներու կը ծառայէիք: Բայց հիմա, որ զԱստուած քանչցաք և մանաւանդ Աստուած ալ ձեզ քանչցաւ, ի՞նչպէս կրկին կը վերադառնաք բնութեան տկար ու խեղճ ոյժերու պաշտամունքին և վերստին կ'ուզէք անոնց ծառայել: Յատուկ կարեւորութիւն կու տաք որոշ օրերու և ամիսներու, որոշ ժամանակներու կամ տարիներու: Կը վախնամ որ ձեզի համար տարած ամբողջ աշխատանքս գուր անցած ըլլայ:

Կը խնդրեմ, եղբայրներ, ինծի պէս եղէք, որովհետեւ ես ալ ժամանակ մը ձեզի պէս էի:

**Շարունակել Պօղոս առաքեալի
նամակը կարդալ
Աստուածաշունչէն**

ՍՈՒՐՔԵՐ ԵՒ ՏՕՆԵՐ

**ՍՐՔՈՑ ԹԱՐԳՄԱՆՉԱՑ
ՎԱՐՔ Ս. ՄԵՍՐՈՊ ՄԱՇՏՈՅԻ**

**ՍՐՔՈՑ ԱՒԵՏԱՐԱՆՉԱՅՆ՝
ՄԱՏԹԷՈՍԻ, ՄԱՐԿՈՍԻ, ՂՈՒԿԱՍՈՒ
ԵՒ ՅՈՎՀԱՆՆՈՒ**

Մատթէոս Աւետարանիչ

Մատթէոս առաքեալ պաշտօնով մաքաւոր, աշակերտներուն մէջ կը ներկայացնէ հրէական ժողովուրդի այլ դասակարգ մը: Մաքաւորները հրէական ընկերութեան մէջ հաշտ աչքով չէին դիտուեր: Անոնք Հոռոմէական կայսրութեան պաշտօնեաներ էին և ժողովուրդին վրայ դրուած տուրքերը կը հաւաքէին, և աւելին, շահագործելով իրենց պաշտօնը աւելիով կը գանձէին ժողովուրդէն:

Մատթէոս առաքեալ նաեւ կոչուած է Ղեւի (Մր 2.14): Ան իր անունը կրող աւետարանով, ուր բազմաթիւ մէջբերումներ կը կատարէ Հին Կտակարանի գիրքերէն, կը փորձէ հրեայ ժողովուրդին փաստել, թէ սպասուած Մեսիան Յիսուսն է:

Կ'ըսուի, թէ Մատթէոս քաղաքացի է Եթովպիոյ կամ Պարսկաստանի մէջ՝ ուր նահատակուած է:

Մարկոս Աւետարանիչ

Մարկոսի գրած աւետարանը, բաղդատմամբ միւս աւետարաններուն, համառօտ և կարճ ու կտրուկ ոճով գրուած աւետարան մըն է: Ան հնագոյն աւետարանն է և ուղղուած է Հռոմի քրիստոնեաներուն, գրիստոս ներկայացնելով բարձր հեղինակութեան և իշխանութեան տէր անձ մը՝ Մարդու Որդին:

Մարկոս, որու հրէական անունը Յովհաննէս էր, ընկերակիցը կ'ըլլայ Պօղոսի և Բառնաբայի, առաքելական առաջին նամակագրութեան ընթացքին և սակայն կէս ձգելով առաքելութիւնը կը վերադառնայ Երուսաղէմ: Ապա Բառնաբայի հետ կը մեկնի Կիպրոս և աւանդութիւնը կ'ըսէ, թէ ան կ'անցնի Եգիպտոս և կը հիմնէ Աղեփսանդրիոյ եկեղեցին:

Մարկոս առաքեալի մայրը նոյնպէս կ'ըլլայ գործունեայ հաւատացեալ քրիստոնեայ մը, որուն տունը կը դառնայ քրիստոնէական արարողութիւններ կատարելու աղօթավայր մը:

Ղուկաս Աւետարանիչ

Ղուկաս Աւետարանի և Գործք Առաքելոց գիրքի բացառապէս հեղինակը եղած է նոյնիմէ Ղուկաս առաքեալ, որ Պօղոս առաքեալի առաքելական նամակագրութեան ընթացքին ընկերակից եղած է անոր և աշխատած անոր հետ քրիստոնէութեան տարածման քարոզչական մէջ:

Ղուկաս ուսումով եղած է բժիշկ և իր ունեցած իւրայատուկ գիտական ծանօթութեամբ, իր գրած գիրքերու մէջ նոյնիսկ կը յիշէ քրիստոսի բժշկած հիւանդութիւններուն անունները և գանազան մանրամասնութիւնները, զորս չենք գտնել միւս աւետարաններուն մէջ: Ան աւետարանը գրի կ'առնէ բազմաթիւ ծանօթութիւններ քաղելով քրիստոսի մասին, նոյնիսկ հարցուփորձելով Աստուածամայր կոյսը, որով կարելի պիտի ըլլայ արձանագրել քրիստոսի մանկութեան և պատանութեան շրջանին կատարուած դէպքերը: Ղուկասի Աւետարանը ուղղուած է բոլոր նորադարձ քրիստոնեաներուն:

Ղուկասի ծննդավայրին մասին մի քանի կարծիքներ կան, բայց առաւելաբար ընդունուած է, թէ ան Մակեդոնիայի Փիլիպպէ քաղաքէն է և հետեւաբար յոյն է: Ան ընկերացած է Պօղոսին նոյնիսկ մինչեւ Հռոմ, ուր գրած է իր Աւետարանը և ապա Գործք Առաքելոց գիրքը:

Յովհաննէս Աւետարանիչ

Առաքելներու դասին մէջ ամենէն կրտսեր և ամենէն երկար ապրող առաքեալն է Յովհաննէս, որ նաեւ քանչցուած է «Սիրելի Աշակերտ» անունով:

Յովհաննէս և իր եղբայրը՝ Յակոբոս, քրիստոսի կողմէ կը կանչուին երբ ձկնորսութեամբ կը զբաղէին: Ան քրիստոսի եռամեայ առաքելութեան ընթացքին ամենասիրելի անձը կ'ըլլայ Տիրոջ, և նոյնիսկ երբ մատնութեան ժամանակ միւս աշակերտները վախճալով կը լքեն գրիստոս և կը փախչին, Յովհաննէս կը հետեւի Անոր հասնելով մինչեւ Գողգոթա, ուր իր սիրոյն առ ի գնահատանք, Յիսուս Մարիամ Աստուածածին կոյսը կը յանձնէ Յովհաննէսի ինձամբին և այդպիսով կ'աւանդէ իր հոգին:

Յովհաննէս առաքեալ նաեւ ծանօթ է իր անունը կրող սփանջիկ աւետարանով՝ Աւետարան Ըստ Յովհաննէսի: Ան իր առաքելութիւնը կը շարունակէ Եփեսոսի մէջ և ապա ափսոսելով կը տարուի Պաթմոս կղզի, ուր կ'ունենայ իր յայտնութիւնները, որոնք ամփոփուած են Յայտնութիւն Յովհաննէսի գիրքին մէջ: Ունի նաեւ երկու ընդհանրական նամակներ, ուր կը խօսի կեղծ վարդապետութիւններէն զգուշանալու մասին և կը թելադրէ կեանքը ապրիլ նշմարութեամբ ու սիրով:

Յովհաննէս առաքեալ բնական մահով կը մեռնի 95 տարեկանին, շուրջ քրիստոսի 100 թուականին: